



*Miroslava Krleža бр. 1; 76100 Брчко Дистрикт BiH; Телефон/Факс: 049/216-656; 216-655
Miroslava Krleža br. 1; 76100 Brčko Distrikat BiH; Telefon/Faks: 049/216-656, 216-655*

www.df.bdcentral.net
slobodan.pejic@df.bdcentral.net
slobo.pejic@gmail.com

Broj:

Datum: 25. 02. 2019 GOD.

Na zahtjev obveznika, koji se obratio Poreskoj upravi Brčko distrikta BiH, za dobijanje mišljenja hoće li Centar pošta Tuzla i dalje zadržati Federalni zakon o obaveznoj fiskalizaciji i za Podružnicu pošta Brčko distrikat BiH ili je obavezna izvršiti proceduralne izmjene za Podružnicu pošta BD BiH, kako bi se prilagodila i ustrojila u skladu sa Zakonom o fiskalizaciji Brčko distrikta BiH, odgovarajući na postavljeno pitanje Komisija za fiskalizaciju, objavljuje

O B A V J E Š T E N J E

Članom 1. Statuta Brčko distrikta BiH - Osnovni principi, propisano je:

Stav (1)

Brčko distrikat Bosne i Hercegovine (u daljem tekstu: Distrikat) je jedinstvena administrativna jedinica lokalne samouprave koja je pod suverenitetom Bosne i Hercegovine.

Stav (2)

Ovlašćenja Distrikta po pitanju lokalne samouprave proizlaze iz toga što je svaki od entiteta delegirao Vladi Distrikta sva svoja ovlašćenja u vezi sa upravom koja su prethodno vršila dva entiteta i tri opštinske vlasti na teritoriji predratne opštine Brčko, kako je utvrđeno u članu 1 stavu (5) ovog statuta, što u prevodu znači da Distrikat ima svoje propise po kojima su dužni postupati svi subjekti koji obavljaju djelatnost na teritoriji Distrikta.

Članom 19. - Podjela vlasti, propisano je da se Distrikat zasniva na podjeli vlasti. Zakonodavnu vlast vrši Skupština Distrikta. Izvršnu vlast vrši Vlada Distrikta. Sudsku vlast vrše sudovi Distrikta.

Članom 76. - Kontinuitet zakona, propisano je da Entitetski zakoni i propisi imaju pravno dejstvo na teritoriji Distrikta u skladu sa Nalogom supervizora kojim se ukidaju entitetski zakoni na području Brčko distrikta BiH i proglašava prestanak pravnog značaja međuentitetske linije razgraničenja u Distriktu od 4. avgusta 2006. godine.

Tim Nalogom naloženo je da:

1. Svi zakoni Federacije BiH i Republike Srpske („Entiteta“) i svih institucija, koji su sastavni dio bilo kog Entiteta, odmah prestaju da imaju pravno dejstvo u bilo kom dijelu Brčko distrikta BiH. U mjeri u kojoj su isti bili na snazi u Brčko distriktu, svi takvi zakoni se ukidaju danom izdavanja tog naloga Supervizora.
2. Entitetski zakoni navedeni u Aneksu Naloga supervizora, preuzeti su odmah kao zakoni Brčko distrikta BiH, sa istovjetnim tekstom i isti će ostati na snazi sve dok ne budu izmijenjeni ili ukinuti od strane skupštine Brčko distrikta BiH.
7. Nijedan novi entitetski zakon ili propis u vezi sa šest oblasti navedenih u Nalogu supervizora neće imati bilo kakvo pravno dejstvo u Distriktu.

Iz naprijed navedenog da se zaključiti da, kako se u Aneksu naloga supervizora od 04. 08. 2006. godine, koji predstavlja spisak zakona entiteta (njih trinaest), koji će biti preuzeti kao zakoni Brčko Distrikta i koje će institucije Distrikta implementirati od dana izdavanja naloga supervizora, ne nalazi Federalni zakon o fiskalnim sistemima, to se isti ne može primjenjivati na području i teritoriji Distrikta, što znači da Centar pošta Tuzla ne može zadržati Federalni zakon o obaveznoj fiskalizaciji i za Podružnicu pošta Brčko distrikt BiH, nego je obavezna izvršiti proceduralne izmjene za Podružnicu pošta BD BiH, kako bi se prilagodila i ustrojila u skladu sa Zakonom o fiskalizaciji Brčko distrikta BiH.

Napomena: Ovo Obavještenje nema zakonsku snagu Mišljenja, budući da Komisija nije ovlašćena za davanje mišljenja u skladu sa članom 88. Zakona o Poreskoj upravi Brčko distrikta BiH!

Komisija za fiskalizaciju

Safet Rizvanović